


SUMIIFISSINNI SUNIK UUMASOQARNERSOQ PAASINIARLUGU TUTTU IKIORSIUK



SUMIIFISSINNI SUNIK
UUMASOQARNERSOQ
PAASINIARLUGU TUTTU IKIORSIUK?
UUMASUT TITARTARSIGIT
AAMMALU QANOQ UUMASUUNERSUT,
SUUNERSUT QANORLU
PAARILLUARNERUSINNAANERIGUT
OQALUUSERALUGU.



ANGUNIAGAQ

Meeqqat sumiiffimmi uumasut, sumiinersut qanorlu uumasuunersut ilikkassavaat.

PIAREERSARNEQ

Marmeladit puukui puussiallu nassarsigit, soqutiginarturnik nassaassinnik katersisinaaniassagassi.

ATUAGAQ TAKUUK nassarsiuk aammalu atuakkamiittunik uumasunik takusaqarsinnaanerlusi takullugu.

Aamma TAKUUK-mi quppernerup tulliani uumasunut sanilliullugu qanoq angitiginerlutit takuuk.

SAMMISASSAQ

Pinngortitamukaritsi aammalu uumasut suut tamaaniinersut paasiniarlugu. Immaqa nattoralik imaluunniit naajaq silaannarmiittut takusinnaavasi. Immaqa tuttu timmissalluunniit tumai takusinnaavasi. Assersuutigalugu uumasut qassit takusinnaanerlugit nalunaaquttap akunnera affaq atorsiuk, allattorsigit naamassigussilu nipituumik atuarlugit.

Uumasut paarilluassagigut oqaluuserisiuk aammalu eqqakkanik inuussuteqanginnissaat isumagalugu

OQALOQATIGILLUARNERIT

Uumasut suut takunerlugit qanorlu iliorlusi nassaarinerlugit oqaluuserisiuk. Inuit uumasullu sanileriinnerat oqaluuserisiuk aammalu inuit ilaannikkut uumasut akornusersorsinnaagaat, qanorlu iliorlutik akornusersuisinnaanersut il.il. oqaluuserisiuk.

Uumasorpasuit toquneranut eqqakkat pisuusinnaapput. Qassutinik qimaannakanik pisarineqaramik imaluunniit plastikkini nerisimagamik.

Ukiut tamaasa nunarsuarmi timmissat millionit toqusarput, inuit pinngortitamut eqqakkanik igitsisarnerat pissutaalluni.

Atuagaqqami qupperneq kingullerme assersuutit amillaanartut amerlanerusut takukkit.

**NASSUIAAT:
SAMMISASSAMUT
UUMASUNIK
PAASINIAASARTUMUT
KATTUNNEQARSINNAAVOQ**